



## Universitätsbibliothek Paderborn

**Sapientissima Dei Mvndvm Regentis Gvbernatio; Ex qua  
pendent, quæ vulgò in Casv, Fortvna, Fato, Esse Pvtantvr**

**Stengel, Georg**

**Ingolstadii, 1645**

§. 7. Duorum Coniugum felicißima infelicitas.

[urn:nbn:de:hbz:466:1-52314](https://nbn-resolving.de/urn:nbn:de:hbz:466:1-52314)

& casuum varietas, quid doceat? 53

accedant, non hereant; si abducantur, sine ul-  
la nostri laceratione, discedant. Utamur illis,  
non gloriemur: & utamur parcè tanquam de-  
positis, apud nos, & abituris. *Quisquis illa, si-*  
*ne ratione possedit, non diu tenuit. Ipsa enim*  
*felicitas se, nisi temperat, premit: si fuga-*  
*cissimis bonis credidit, citò deseritur, &, ut non*  
*deseratur, affligitur. Paucis deponere felicita-*  
*tem molliter licuit. Ceteri cum his, inter quæ*  
*eminèrè, labuntur, & illos degrauant ipsa,*  
*qua extulerant. Nemo igitur magnæ fortu-*  
*næ credat. Nunquam immodica duraue-*  
*runt. Omne lètum, tandem admiscet fle-*  
*tum. In orbe nihil constat. Placidum ven-*  
*tis mare subitò amat fieri procellosum. Vna*  
*hora cœlum sudum videt ac turbidum.*

§. VII.

*Duorum Coniugum felicissima infelicitas.*

Sed & rursum, post nubila, Phœbus; post  
magnos imbres, magna solet remigrare se-  
renitas. Accidunt sàpe tristia, quæ lètissi-  
mo fine terminantur; vt Deus virtutem vno  
tractu probet, & coronet; discantque, qui in  
angustia sunt, animum non despondere, sed  
potius dicere: *Tu es refugiū meū à tribulatio-* Psal. 31.7.  
*ne: itēmq; : Educes de tribulatione animā me-* Psal. 142.  
*am. Pulcherrimus virtuti stimulus est, & ca-*  
stimo-

Liu. lib.

20.

Matth.

28. 28.

stimentiæ constantiæque, nec non admirabilis fortunæ, si ita loqui licet, exemplum, quod, ante viginti circiter annos, Roma ad nos perscriptum, certisque testibus, enotatum accepi. Erat tum Romæ par coniugum, quale fuit, cum Collatinus & Lucretia viueret. Sed, quia non solet esse æqualis virtus & Fortuna, pectus latum, res angusta ambobus domi erat. Superuenit egestati annonæ caritas. Igitur ad summam inopiam redacti, ut vitam sustentarent, æs alienum contraxerunt. Mos est ijs, qui lucrum student mutuo multiplicare, ut certum soluendi terminum præstituant, usuramq; aut menstruam, aut annuam iubeant pendere; quod ni fiat, extrema minantur, instar illius, qui tenens suffocabat debitorem dicens: *Redde, quod debes, patientiamque rogantem misit in carcerem, donec redderet debitum.* Ad hunc modum etiam tunc miseris illis euentit. Cum enim, ad constitutum diem, debitum expungere non possent, pecuniásque accipere magis, quam expendere tempus & necessitas flagitaret, maritus in vincula ductus est, ut captus esuriret, vxore domi famem perferente; cui orbitas, quam inedia maiorem luctum imposuit. Itaque, per Vrbem,

bem, sursum ac deorsum solicita cucurrit, omnémque, quod dicitur, lapidem, mouit, ut pecuniam conquireret, pro coniuge redimendo. Periculoso est feminis, in publico comparere, aut vagari per ciuitatem. Quare & ista, dum nummos quæsivit, in adulteros incidit, quanquam magis pudicitiae illius testes futuros, quam corruptores. Horum igitur unus, cui non ignota erat patris familias absentia, intempesta nocte, adebat; ferit ianuam; iubet aperiri. Pro ianuâ, illa fenestram referat, & quia virum fores pulsantem neque de voce, neque de facie poterat noscere, modestè excusat; nunc tempus non esse conueniendi, solam se domi agere; marito absente, non decere alium admitti: si quid illi sit negotij, clara die veniat; nihil honesti cogitari de ijs, qui id noctis negotientur. Hæc illa & fortiter, & prudenter est locuta, si dicta constantia habuissent. Nam, qui fores pulsabat, pertinaciùs arietare, quam illa resistere, institit; & verò manus ac minas simul adhibuit. cum enim necquidquam postes effringere tentasset, ædes totas in cinerem ituras antè, quam dilucularet, minitatus est, nisi vellet ostium referare. Antiopæ luctum vidisses. Trepidare illa, & quid

## 52 Cap. III. Fortuna instabilitas,

quid faceret, ambigere; si pessulum reducere, pudicitiam; si clausum teneret, domum ac vitam amissura. Quid speres? fœmina fuit. cessit. hominem ignotum sola admisit; Lucretia futura, si Penelope esse non posset; Plaut. in illud secum reputans: *In re mala, animo si bono utare, adiuuat.* Nec tamen se se dedere illico statuit. Igitur ingressus nefarius homo, continuò illi vitium obtulit; quod illa recusauit adeò vehementer, ut, Christiana generositate, mori mallet, quam fœdari. Ut erentur & aliæ fœminæ simili constantia, ni vinci mallent. Vicit ista, quia restitit. Hostis ergo non hostis, ne sine crimine abiret, Furinę voluit litare, quando Veneri non potuit. Quare quidquid domi pecuniarum, vestium, vasorum habeat, apportare actum iubet. Cui illa. quid, miser, ages, inquit? paupercula sum, *hoc quod induta sum, summa opes*: cur vacuam vis spoliare? Instat ille; & , ni nummos afferat, pugnos intentat, verbera, vulnera, funera, incendia minatur: & addit vultum testem, se non iocari. Tanto illa perculta metu fatetur, se duos aureos habere reconditos, præterea neteruncium quidem, eosque ipsos ait, se, in mariti redemtionem, mutuos accepisse. Hos ipsos

ipsoſ promere iubet. Promit illa ; ſed quia non admodum promtè , idcirco interrogat trifurcifer : An nullum domi funem habeat? eo vtiq; illi animam præclusurus, quod qui- dem facile ærumnosiflma foeminarum ſu- picari potuit ; ſed , quia mors vnicum ſola- men erat tam nefastæ noctis , non censuit hunc celandum. Dixit itaq; funem ſibi eſſe, ſed alium nullum , niſi quo aſellus, in ſtabu- lo eſſet alligatus. Mandat tenebrio , ad ſta- bulum ſe adducat. facit mulier , quod erat iuſſa. Ibi , dum ſcelestus funem impeditius diſſoluit , ſubit animum feminæ , ſuauius eſſe occidere , quām occidi ; neque id legi- bus aut diuinis , aut humanis vetari , ſi quis vitam ſuam aliter tueri non poſſit, quām al- terius nece. Dum hæc talia cogitat , præ- grandem clauam , qualis vel Herculi ſuf- eiffet , ponē videt parieti acclinatam , quam vtraq; manu arreptam , improbo capiti , à tergo , validiſſimè impingit. Cadit ille pri- mo ictu; ſed nondum exanimatus nititur de- nuo ſe in pedes erigere , ſurgentem illa alte- ro fulmine proſternit , ſemianimēmque pe- nitus conficit , auſūque feliciter potita , ſe , & ſua afferit in libertatem. Cadauer , ea nocte , prope aſini ſtratum , permansit , vt eius

eius contubernium haberet , cuius sepultu-  
ram meruisset. At mulier , quæ iam inspe-  
ratam vitam viuebat , ipsâ suâ victoriâ , tri-  
stabatur. Ecquis enim ; inquiebat , credet  
veritatem narranti ? An non facti rea agar ,  
& de homicidio conuicta vitam , cum fama ,  
amittam , quam domi occisa honestius po-  
suissem ? sed Deo fidendum , qui me vtique ,  
apud iustum tribunal , tueri poterit , quan-  
do domi contra tam iniustum defendit in-  
uasorem. Sic nox abijt. Reducto die , adit  
Magistratum , &c , quid domi actum sit , re-  
fert. Mittuntur ad ædem eius , qui cadauer-  
inspiciant. Accurrunt multi , & mortuum  
viuūmque asinum simul reperiunt. Diu ne-  
mo inueniebatur , qui nosset occisum , adeo  
mors vultum mutauerat. Tandem tamen  
vnus superuenit , qui varijs indicis testare-  
tur , hunc ipsum , ante annos aliquot , Roma  
proscriptum , atque in eius caput trecentos  
aureos constitutos. Defertur res ad Sena-  
tum , inquiritur , & in tabulis publicis , no-  
men , & crima , & signa rei reperiuntur ; ne-  
que amplius dubitatur. Decernunt igitur  
feminæ , quòd perditissimum hominē è me-  
dio sustulisset , pactos trecentos aureos ex-  
soluendos. Habuit ergo fortissima hæc Iu-  
dith ,

*& casuum varietas, quid doceat?* 65

dith, vnde & debita & maritum solueret,  
& vitam deinceps honeste sustentaret, tan-  
tò utique iucundiorum, quanto è maioribus  
procellis emerserat.

§. VIII.

*Pertinax Polycratis felicitas, quam tristem  
fortita sit exitum?*

Sic ludens in orbe terrarum diuina sapien- Proū. 8.  
tia, tristia laetis, laetaque tristibus permiscet; 31.  
vt neque miseri desperent, neque felices in-  
solescant, & contra Pindari præceptum,  
Dij esse velint. τῶν γέ τοις βροτοῖς

Ἐκ ἐσιν ὑδεν διατέλεις ἐνθαυμονεῖν.

*Siquidem uniuersis rebus in mortalium*

*Nil cōtinenter & undecunq; prosperum est.*

Nam etsi caelestes omnia possunt, tamen fallit illud prouerbium: *semper feliciter cadunt Iouis taxilli.* Quanquam enim ita Deus quibusdam fauet, vt vel inuitos beare velle videatur, tamen neq; tunc est insoleendum. De Polycrate Samiorum tyranno proditur, (quod & Nazianzenus versibus complexus est) cum summa frueretur felicitate, admonitum ab Amasi AEgyptiorum rege, vt aliquo saltem, quamuis leui incommodo, tantā interrumperet fortunæ tranquillitatem. Annulum ergo in mare proiecit, quem ha-

Pindar.

Hymn. 5.

Olym-

piacon.

Euripi-

des in

Supplici-

bus.

Herodo-

tus lib. 3.

Sabelli-

cus lib. 7.

Aenead.

2.

E

bebat